



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Historia Sanctorum Joachim Et Annæ Geneseos, Vitæ,
Transitus Et Connexorvm**

Polius, Jacobus

Heripoli, 1652

10. Quæ sit legalitas seu fides Historiæ SS. Ioachim & Annæ ?

urn:nbn:de:hbz:466:1-43946

Mariæ: Joannes Damascenus homil. i. de nat.
 Mariæ: Hippolytus Thebanus in Chronico. Ex
 Patribus Latinis S. Hieronymus de ortu Virg.
 S. Augustin. serm. 25. ad Fratres in eremo: Beda
 homilia in Vigilia Joannis. Hildephons. serm. in
 nat. Mariæ. Fulbert. Carnotens. in sermonibus
 de ortu Virg. Honorius Augustodun. in speculo
 Ecclesiæ, & demum quod supereminet, Martyrologium Romanum Martio & Julio mensibus;
 unde non est quod hic anchoram figamus diu-
 tius, quin potius ad ulteriora enavigemus Maria,
 quæ nos manent.

QVÆSTIO X.

Quæ sit legalitas seu fides historiæ S. Ioachim in templo repulsi?

PLurimæ probationes q. sequenti demon-
 strandæ, pro veritate hujus historiæ militant,
 cui tamen Germanicus tractatus frigidam suf-
 fundere pro viribus attentavit. S. Hieronymus
 in oculis ac manibus frequentior, disceptationi-
 bus sub jacuit, pro cuius integritate vindicandâ,
 rei ab ovo aperire necesse est. Vetustus codex
 inscriptus: *Epistola S. Hieronymi* in celebri Oliva-
 rum Conventu Coloniæ superest, absque tamen
 anno, loco aut nomine impressoris: ante cuius
 medium folio 148. epistola centesima argumen-
 tum præfert hujusmodi: *Epistola Chromatii &*
Heliodori Episcoporum, ad beatum Hieronymum,
librum De ORTU VIRGINIS MARIAE, qui à
beato

beato Marthæo Evangelista editus dicebarur, trans-
ferri postulantium. Subiectitur epistola B. Hiero-
nymi ad prædictos Episcopos de eâdem re re-
sponsiva. Et immediae post, epistola 102. *Petitis*
à me, argumento tali insignitur: *Expositio seu*
translatio HISTORIÆ ANNÆ ET JOACHIM
DE CONCEPTU VIRGINIS MARIÆ, pro ut
à beato Marthæo scriptum ferebatur. Postquam
volumen istud sacrarum epistolarum crebrò im-
pressioni traditum fuisset, Magister Joannes de
gradibus utriusque Juris Professor, anno 1513.
id ipsum Lugduni castigatiùs & distinctiùs recu-
di fecit; in cuius secundæ partis tractatu secundo
sub numéris 23. 24. & 25. sicut & in Lugduaensi
recusione anno 1518. factâ, tres præmemoratæ
Epistolæ reperiuntur, eisdem præfixis argumen-
tis (sicut & in alio exemplari anno 1492. per Ni-
colaum Kesler Basileæ procuso) ne in minimo
jota variatis. Anno 1516. ingessit se Des. Erasmus
Roterodamus, Basileæ apud Joannem Frobe-
nium S. Hieronymi opere evulgans, ubi arrogatâ
sibi plenipotentiâ ex corpore epistolarum præ-
libatas tres epistolas eviceravit, atque solitis ar-
gumentis spoliatas, suisque obfuscatas Scholiis
in Tomi quarti calcem, protrusit velut indoctas,
fictitias & à Stylo S. Hieronymi penitus absonas.
Paulus Theodorici Clisorius vitæ S. Annæ nuper
editæ cap. i. pag. 9. versu 5. scribit, quod Erasmus
istum tractatum seu epistolam: *Petitis à me*
S. Hieronymo auctori abrogavit, nullo fultus
fun-

fundamento, ratione, vel auctoritate, ex mei proprii genii libidine, sicut mundo constaret universo Jacobo Gretsero Defensionum Bellarmini tom. 2. c. 8. lib. 4. col. 301. lis fuit cum strenuissimo quodam Negatore, cui Germanorum opposuit proverbium. Fatuum plura posse negare, quam decem sapientes probare. Erasmus istis sanè temporibus, & quamdiu terram gravavit, ob calamum infeliciter luxuriantem, in censorias plurimorum illustrium, doctissimorum ac pientissimorum hominum ineidit, quas evadere conatus fuit scriptis apologeticis, quibus Solis tomus novus operum ipsius refertus est, & praesingulis aliis turget amplius. Condignis quoque coloribus hominem istum adumbrarunt Canisius Marialis lib. 5. Marianus Victorinus in Scholiis epistolarum Hieronymi, Gretserus in Defensionibus Bellarmini, Possevinus in Apparatu, Nicolaus Scrarius in trihæresio Judæorum, & recentiores, qui à cupido lectore consuli possunt. In proposito nostro, suo se ore judicat Erasmus, si epistolæ ejus ad tomum 4. Hieronymi, & ad Psalterium Arnobii anno 1522. Basileæ emisum, præliminares, probè expendantur. Videatur quoque Joannis Nopelii Præfatio in Confessionem Ambrosianam. Erasmus scribit multa de quibus sub finem vitæ iadoluit, ut Theodorus Petrcius in hæreticorum catalogo commemorat. Erasmo itaque prurientis, præcocisque ingenii impudentem recte attribuemus impetum,

quo

quò non consideravit infælices sequelas, quas in Lectorum mentibus peperit; aliis viam nutandi stravit, cum tamen ipse historiā rejecti in templo Joachim crediderit, ut patebit ex sequentibus.

2. Sunt qui opponunt Cæsarem Baronium, reprobantem sententiam eorum, qui tractatum de ortu B. Virginis S. Hieronymo auctori adscribunt. Insuper Baronius in Apparatu n. 39. Seleucum ait tractatui de ortu Virginis miscuisse insanæ & delira quædam commenta, afferente id ipsum auctore seu Translatore istius Tractatus hactenus incerto. Ita Baronius. Animadverendum tamen in operibus Hieronymi tom. 4. Basileensis, Lugdunensis & tomo 9. Antwerpensis editionis, imò in vetustioribus anno 1508. & 1513. Lugduni proculis, nihil ponî quod moribus Ecclesiæ receptum non sit, nec quidquam insanum aut delirum posse reputari, tametsi ante exortum typum, abbreviatores quibusdam exemplaribus forte absone quædam addiderunt, quorum farraginem reperire licet in Petri de Natalibus catalogo, lib. 8. c. 51. Aliqua etiam Driedo lib. 3. c. 5. par. 4. sub finem ex Annio de Panthere & Barpanthere recitat; & Maldonatus in cap. 1. Matth. edit. 1603. Lugdūn. col. 26. rursum alia refert, quasi Heli apud Lucam pater Josephi dictus sit, non quod ejus pater sed quod sacer esset, quæ verba sicut & præcedentia in tractatu de Ortu Virginis sæpe memorato minimè reperiuntur. commentum prius justè carpit Salmeron tomo

2. tract. 38. pag. 209. sanè historiam ejusdem trā.
 Etatus S. Antoninus par. 1. historiali tit. 4. c. 6.
 §. 10 afferit rationi consanam, Richelius serm. 2.
 de Concept. credibilem satis contestatur. In epi-
 logo hujus quæstionis plenissimè concludet P.
 Lyræus. Aliud dictum Baronii de Isachare Pon-
 tifice minus integrum & forte unicum in vectiva
 ejusdem incentivum, oportunam inveniet satis-
 factionem q. 11. infra.

3. Nicolaus Serrarius in c. 2. lib. 2. Machabæo-
 rum sic scribit: *Sunt in Scripturâ plurimi impio-
 rum sermones & orationes, quarum tamen epitomen
 & quasi summam Spiritus S. in Scripturis posuit. Cur
 ergo pia minime impiorum auctorū scripta, si velit,
 in breviarium redigere, nobisq; tradere, non possit?
 cur veritati etiam à prophano prolatæ divinum
 testimonium dare non possit, quemadmodum per D.
 Paulum facit Act. 17. Nonne per gentiles Sybillæ,
 per impium Caipham, per brute Asinæ os Dominus
 locutus est? Veritas à quocunque dicatur à Spi-
 ritu sancto est. Ad idem propositum concurrunt
 apud P. Canisium de incomparabili Virgine lib.
 1. c. 13. sequentia: *Nihil aliud adversarii faci-
 unt, nisi quod cum Iudeis, Turcis, & Impiis, pro
 suo arbitrio ea negent, quæ aduersus eos facere,
 & vel Mariæ gloriam, vel Ecclesiæ consuetudi-
 nem, sèpè & doctrinam confirmare posse vi-
 dentur. Hinc illi toties tergiversantur, exci-
 piunt, mordent, rejiciunt, calumniantur, nullo
 in-**

interim rationum pondere muniti, nullaque veterum auctoritate communiti, nisi quod suo & suorum palato velint satisfacere. Non recipiunt, sat scio, quæ in operibus Hieronymianis de Maria ortu, præsentatione, pueritiâque leguntur, neque nos contendemus, ut isthæc narratio auctori Hieronymo Stridonensi attribuatur. Verum enim verò, ut opus hoc non sit Hieronymi proprium, an idcirco Christiani etiam ac veteris Doctoris bonique Theologi opus esse desistet? Quis libros Regum & Iob scripserit nondum convenit inter eruditos, & plura sunt Scripta Biblica, de quorum certis auctoribus adhuc sub judice lis est. Idem multorum veterum monumentis accidit, quæ propterea, velut suspecta, nota & impura non sunt rejicienda, quod velut exposititii partus suos parentes ignorent: An non morosi convivæ, ac nimium inhumani videntur hospites, qui cibos aliunde ex locis longinquis apportatos, vel à locis peregrinis apparatus fastidiunt, & contemnunt? digni sanè quos famestantis per excruciet, donec se gratiore, magisque comes declararent hospiti à quo sunt ad mensam invitati. Utinam huic seculo mentem largiatur saniorem Deum, ut quid dicatur, non verò quis dicat, attendent homines, ac veritatem ipsam omni studio

candidè per vestigarent, neque tanto supertilio
inexplorata damnarent, ac de alienis tam tem-
tere judicarent. Ego nihil omnino vetare cen-
seo, quo minus eas complectamur historias, qua
nihil periculi ac vitii habent admixtum, &
majorum traditione, veterumque Scriptorum
narratione fulciuntur, nullo unquam ex bonis
piisque Doctoribus contradicentes. Quod si su-
perciliosi quidam & nauseabundi adhuc respu-
unt, quæ de Mariæ parentibus, oblatione, pue-
ritiaque veteres crediderunt, docuerunt, atque
scripserunt, non deerunt tamen alii ac majori
quidem judicio sapientiâque prediti, qui can-
dem non modo amplectantur, sed cum fructu
etiam legant, sibique persuadeant Deum, ut alto-
bi sàpè, ita etiam in Mariâ virginculâ glorio-
sum ac mirabilem extitisse. Hæc ex Canisio ad
c. 8. vitæ. S. Annæ rescripserunt Cuperus &
Leuchtius Theologi, vitâ & ætate dum viverent
graves admodum.

4. Scholaisticæ historiæ magister cap. 6. Evan-
gelicæ historiæ ad nativitatem Salvatoris appli-
cans prophetias: *Cognovit bos possessorem suum,*
& asinus præspe Domini sui. In medio duorum
animalium cognosceris, mox subjungit: *Etiam in*
picturis Ecclesiarum, quæ sunt quasi libri Laicorum
hoc representatur nobis. Damascenus quoque
orat. i. de imaginibus ait: *Imagines sunt monu-
menta*

menta quadam: etenim illiteratis hominibus hoc
sunt quod literatis libri. Enimvero si tractatus is
de ortu Virginis, velut incerti auctoris rejicien-
dus foret, ponitur questio, an historiae S. Joa-
chim picturæ, ex templis & claustris abradendæ
veniant, laminæ quoque & formulæ libris im-
pressæ eliminandæ? an reformandi quoque ve-
niant testes veritatis multo numero inferius
producendi? recognoscendi & recudendi libri?
in Cathedris, Doctorum & Concionatorum ora
recludenda? veruntamen si liceat antiquorum
scripta in dubium vocare, mores, consuetudines,
& traditiones Ecclesiæ retractare, an non pluri-
ma alia suum robur & firmamentum amittent;
sequeturque maxima incertitudo atque confu-
sio rerum in Ecclesiâ Dei. Cui malo obviando
juribus provisum est, quod diurni mares con-
sensu utentium approbati legem imitantur. Et juxta
S. Augustinum, quod in iis rebus, de quibus nihil
certi statuit divina Scriptura, mos populi Dei &
instituta majorum pro lege tenenda sint. Quibus
etiam insigniter consonat S. Thomas summæ
par. 2. q. 10. a. 12. verbis hujusmodi: *Dicendum est*
quod maximam habet auctoritatem Ecclesiæ con-
suetudo, quæ est in omnibus emulanda quia & ipsa
doctrina Catholicorum Doctorum, ab Ecclesiâ au-
ctoritatem habet; unde magis standum est auctori-
tati Ecclesiæ, quam Augustini & Hieronymi vel
cujuscunque Doctoris. Ita S. Thomas. Quis igitur
subvertat (verbis utor S. I. iconis Papæ) quod du-

dum traditio decrevit, & consuetudo firmavit, nec
eruditio ignorat, nec pietas prætermittit?

5. Resilio ad S. Hieronymum, de quo Trithe-
mius libro de Ecclesiasticis Scriptoribus: *Hic est*
verus dispensator Evangelicus, fidelis, prudens, qui
proferens de thesauro suo nova & vetera, dansque in
tempore spiritualis tritici mensuram conservis suis,
Hebreos superbos spoliavit, humilesque diravit La-
tinos. Hic est Ecclesia Christi Doctor egregius, qui
vestes Esau per devia errorum vagantis, domi otiosè
reconditas, cum piâ matre Rebeccâ, id est gratia
Dei protulit, ac mansuetum Jacob, fidelemque &
Christo servientem vestivit. Hæc carptim pro glo-
riâ S. Hieronymi, qui Hebraicæ historiæ abbre-
viator legitur, sed primus id negavit Erasmus cu-
jus hac in re facinus n. i. supra denudavimus. Cas-
siodorus Monachus temporibus B. Hieronymi
vicinissimus, in libro unico institutionis divina-
rum lectionum, suam posuit censuram de libris
B. Hieronymi dubiis, quibus non accensuit tra-
ctatum de ortu B. Virginis. Quamobrem erudi-
*tissimus Canisius lib. I. c. 4. ait: *Quæ in libris**
Hieronymianis leguntur, parentum Mariae hi-
storiam efficiunt luculentiorem, quæ tametsi ab
Hieronymo scripta non essent, ut plerique suspi-
canter, tamen probatorum aliorum scriptis, que
diximus haud male congruunt, & probabilio-
rem certè narrationem faciunt, sed antiqua
fidei scriptorem redolent, cum ob alia, tum in eo

sanè

sanè laudandum, quod adulterinam Seleuci Manichæi de ortu Mariae historiam, quæ olim etiam piis imponebat, hoc suo labore castiget, ac dissipet, sicut ipse in operis sui præfatione testatur. Quid ergo mirum quod è Theologis & Historiographis prodierunt multi, quemadmodum Germanus, Damascenus, Nicephorus, Metaphrastes, Cedrenus, qui post multos alios Patres præsentis historiæ sunt veritatem amplexi atque professi. Hactenus Canisius.

6. Auctorem tractatus hujusmodi, ceu doctum & gravem ad effectum probationis vel doctrinæ, citarunt Franciscus Suarez pluries tomo 3. in 3. par. D. Thomæ q. 27. disp. 2. sect. i. Sebast. Baradius lib. 6. c. 3. & 6. Joannes Maldonatus in c. i. Matth. edit. anno 1602. Lugdunensis col 26. nosfer Jacobus Suarez Doctor Theol. & anno 1597. Christianissimi Regis Concionator in festo Concept. Mariæ. Joannes Lorinus Act. c. i. vers. 14. Joannes Bonifacius c. 6. vitæ B. Virginis. Lucas Pinellus in meditationibus ex B. Virg. Historiis de promptis Coloniæ anno 1601. editis. Franciscus de Mendoza in libri 1. Reg. 1. cap. n. 20. & n. 23. Abrahamus Bzovius Princ. Panegyrici 3. in nat. B. Virg. Matth. Faber SS. Theol. Licentiatus in conc. in nat. B. Virg. & totus propè Chorus Præsulum, Doctorum, & Regularium paulò post sequenti quæst. ulterius producentorum. Imò Erasmus ipsem licet tractatum de

Ortu Virginis S. Hieronymo auctori abrogari, contenta tamen ejusdem credidit, ut videre licet tom. 5. operum Erasmi anno 1540. Basileæ edito pag. 1109 inter hymnos, & in Hagiologio Georgii Vicelii ad festum S. Annæ, ubi Rithmus Jambicus in laudem S. Annæ Aviæ Jesu Christi ab Erasmo de promptus sic incipit: *Salve parens sanctissima, sacro beatâ Conjuge, sacratiore filiâ, nepote sacratissimo.* Particularia historiæ suis locis dabimus.

7. Quid moramur? Erasmus rimam cœpit, quæ aliorum quorundam concursu graviorem hiatum sortita, ut nobilissimâ coronide resarciantur, restat. Doctissimus Pater Hadrianus Liræus Trisagii Mariani lib. 1. sono 34. subministrat sequentia: *Verum quidem est S. Evangelii codicem nihil de his commemorare, sed tantam tamque luculentam è SS. Patribus impositam nobis esse testium nūbem, ut amentes planè dicendi simus si his negaverimus fidem.* Princeps in eam rem prodeat S. Hieronymus, qui aureo illo, quod de ortu ac nativitate B. Virg. Mariae inscribitur, opusculo, probè rem totam contestatam reliquit. Ne verò quisquam de libri hujus autoritate ambigat, ob Melchioris Canili beriores obelos, gravioresque asteriscos, quibus illum cum Sexto suo Senensi confodere ac jugulare conatus est, paucis expedio veritatem.

Olim

olim teste S. Epiphanio hæresi 26. editus erat
 pestilens quidam ac nefarius liber, stirpis Ma-
 riana nomine insignis: qui cum mendaciis plu-
 rimis scateret, à Gelasio Pontifice damnatus
 fuit: ex tituli affinitate pati quoque innocens
 cœpit, ac pro annili fabulatore inter homines
 censeri, cum tamen in toto illo libro, re forsan
 unâ, alterâve, uti homines sumus, exceptâ, lega-
 tur nihil, quod à gravissimis auctoribus Eusta-
 chio in hexameron, Germano in encomio de-
 presentat. Evodio, Ioanne Damasceno, Simeo-
 ne Metaphraste, Nicephoro, alitisque non refe-
 ratur. Ad auctorem verò quod attinet, ma-
 gnum ubique silentium, nisi quod omnes He-
 breum quendam fuisse velint, virum doctum
 ac pium, quem deinde aliis in Græcam linguam
 mutavit, ex Græcâ autem S. ipse Hieronymus
 rei dignitate ac gravitate materiæ oppidò de-
 lectatus, in Latinam convertit. Ita post Pe-
 trum Canisium lib. I. de B. Virg. sentit. P. Chri-
 stophorus à Castro in Roseto Mariano, qui &
 hoc addit, nihil in eo legi vel à ratione alienum,
 vel quod sanctissimorum & gravissimorum
 Patrum illustri nequeat auctoritate
 firmari. Hactenus P.
 Lyræus.